


ARUBA TA RECORDA CORNELIS ALBERT (SHON A) EMAN



Awe, dia 13 di Juli, e pueblo di Aruba ta recorda, cu 27 aña pasa, e golpi duro a cay den curazon di henter poblacion di Aruba, ora cu e noticia tristo a plama den nos pueblo cu Cornelis Albert Eman, cariñosamente yama Shon A, a fayece na Curacao.

Cornelis Albert Eman a nace na Aruba dia 17 di Mei di aña 1916. Despues di a caba MULO School, Shon A a sigui su estudio den Ley. Na aña 1938 despues di a gradua como abogado, ela haci su entrada den e comunidad Arubano como Abogado. El a ser inscribi como miembro di cuerpo Hudicial di Husticia. Y hasta fecha di su fayecimiento el tabata inscribi como tal. Kiermeen cu durante un periodo di casi 30 aña el tabata reconoci como Abogado den Antiyas Hulandes.

Ademas di su profesion como abogado, Shon A a cosecha hopi merito ariba tereno politico. Na aña 1941 el a ser eligi Representante di Pueblo, como Landsraad, miembro di

el a sirbi tambe pa un corto tempo como Diputado Interino.

Desde cu Consejo Insular ta existi, Shon A tabata lider di fraccion di A.V.P. den Consejo Insular y a ocupa den e Consejo aki un posicion notable y distinguido.

Na aña 1946, Shon A a ser delega pa Consejo Policial, pa entrega na S.M. La Reina na Den Haag e peticion di Aruba pa un Gobierno Propio, cual peticion manera nos tur por corda a ser poni den Actonan Notarial.

Den un audiencia especial, S.M. La Reina a ricibi SHon A y el tabata tin e oportunidad di a splica S.M. La Reina e deseonan di e Pueblo Arubano. Como resultado di Shon A su bishita na S.M. La Reina, a bini Aruba un comision encabeza pa Professor van Poelje. Y mas despues a ser forma e Conferencia di Mesa Redonda pa haci e trabaonan preparativo di e estructura nobo pa Antiyas Hulandes. Shon A tabata forma parti di e Conferencia di Mesa Redonda na Den Haag na aña 1948 como añanan 1952-1954.

Dia 18 di Maart di aña 1948 Shon A a entrega un mocion cu a ser acepta pa incorpora den e estructura nobo di Antiyas, e Autonomia Insular y asina Aruba a bin haya su reglamento Insular (ERNA), un fecha cu despues a bira masha importante mes pa Aruba.

Basa ariba e hecho aki, difunto Betico Croes a propone e fecha di 18 Maart pa bira e dia Nacional di Aruba.



Consejo Policial (Raad van Politie) di e tempo ey. Despues cu e reglamento insular a drenta na vigor, el a ser eligi miembro di e Consejo Insular, cual posicion el a ocupa pa 16 aña largo.

Loke ta nifica anto cu pa 26 aña largo el tabata representante eligi di e pueblo Arubano.


Den e periodo cu el tabata miembro di Consejo Insular,

Sin ningun duda, Shon A tabata tin un gran parti den e tantisimo trabaonan di e comision di Mesa redonda pa studia e revision di e posicion constitucional di Antiyas Hulandes.

Pa un tempo masha corto, Shon A, tabata miembro di e Colegio di Gobernacion General, cual despues di e estructura nobo, a bira e Consejo di inistro.

Na aña 1958, Shon A a ser eligi miembro di Staten di Antiyas. Den e colegio halto aki, el tabata actua tambe como lider di fraccion di A.V.P.

E numeroso trabaonan na interes di Antiyas y pa e pueblo di Aruba en particular cu Shon A a haci den Staten di Antiyas, a keda graba den e actanan di Staten. Ta imposible pa bay menciona nan den e libera vista cu nos a tira ariba su carera politica. Shon A tabata tin un gran afecto pa nos



casa Real. El tabata secretario di e Oranje Comite, cual durante añanan di guera a haci asina tanto pa tene e concepto Hulandes asina halto den wowo di mundo liber.

Tambe pa hopi añas el tabata miembro di e comision pa cele-bracion di Aña di La Reina. Mientras tanto, otro facetanan di bida den nos comunidad tambe tabata tin su plena atencion. El tabata amante di deporte, y durante hopi aña el tabata presidente di Aruba Voetbal Bond.

Shon A tabata fundador di e Arubaanse Chauffeurs Bond. Finalmente, nos por menciona cu Shon A, como miembro di e delegacion Parlamentario, a bishita tanto Hulanda como Surinam den cuadro di e tene-mento di e tan importante contacto entre e representacionnan di e tres paisnan di Reinado Hulandes.

Tambe a toca Shon A e honor di a representa Staten y nos Pueblo, na ocasion di e matrimonio di Princesa heredera Beatrix, como miembro di e delegacion di Staten. Pa su numeroso meritonan y trabaonan na interes di Pueblo, Shon A a ricibi for di S.M. La Reina un condecoracion.

Aruba por ta orguyoso di a produci un yiu di tera tan valioso manera Shon A. Un id e dianan mas feliz den Shon A su bida, tabata dia promer di Juli di aña 1967, ora cu el a expresa su satisfacion y ale-

gría di por a mira destino di su isla den man di yiu nan di tera. Su deseo a ser cumpli..... lamentablemente el no a biba hopi tempo despues cu su gobierno a ser instala pa e por a sigui yuda su otro coleganan den gobierno.

Dies-dos dia despues.....Papa Dios a yama Shon A cerca dje.

Tabata ariba dia 13 di Juli di aña 1967, 27 aña pasa, entre 12'or y 1'or di merdia, ora cu e noticia a cay na Aruba, mescos cu un strena for di un cielo sereno, cu Shon A a fayece na

gran Arubiano aki di curazon y di sanger, tabata un golpi duro pa nos pueblo.

Y awor aki hustamente su pueblo ta haya su falta. Su pueblo lo a desea pa e tey pa e continua cu e lucha. Pa e persevera cu e mesun pasenshi y msun dinamismo cu el tabata tin 26 aña largo pa logra pa Aruba y su Pueblo un mihor futuro... un mihor gobernacion y sobre todo, e libertad cu su Pueblo semper a anhela. E gritonan pa libertad cu durante e ultimo añanan a ser lanza, me ster sirbi pa e continuacion di su trabao y su lucha. Pasobra cada un di nos, cu tin e mesun sentimiento pa Aruba na pecho, mester por posee e corahe.... e perseverancia y e hombreza pa sigui lucha..... sigui bataya, sin miedo y sin cobardia pa logra pa e Pueblo di Aruba, e libertad y e prosperidad, cu pa tanto aña Shon A tabata lucha asina duro pe. Shon A no a biba pa mira su soño di un Aruba Autonomo den Reino cristaliza. Su morto a causa un conmocion grandi na Aruba. Miles y Miles di hende a acudi na su entierro. Aruba a yora morto di Shon A, kende nunca a busca beneficio personal. El a muri asina pover, cu Pueblo mester a lanta un fundacion pa por a cumpra un cas pa su viuda y ocho yiu nan por a biba aden.

Awe mas cu nunca, e pueblo Arubiano ta recorda e difunto aki. Awe mas cu nunca e pueblo di Aruba a uni su mes masalmente cu su partido....e PARTIDO DI PUEBLO ARUBANO A.V.P. bao guia di su yiu Henny. Y ta pesey, e tributo di mas grandi cu su pueblo por dune ta di apoya y respalda su causa....apoya y respalda su lucha..... e lucha pa e CAMBIO AWOR SI pa un Aruba liber feliz y progresivo atrobe. Shon A, bo destino tabata mortal, pero bo causa ta inmortal! Sosega na paz.

INVITACION

Na ocasion di conmemoracion di 27 aniversario di fayecimiento di

Sr. Cornelis Albert Eman (Shon A)

Fundacion 18 di Maart, cordialmente ta invita e culto Pueblo di Aruba pa e siguiente programa cu lo tuma lugar Awe 13 di Juli 1994:

6:00 p.m.: Voz di Aruba "Aruba ta recorda Cornelis Albert Eman".